

橫
雲
山
人
集

橫雲山人集卷之三

望雲集

玉泉

休沐尋勝遊言自玉泉始方當秋日晴出郭三十
里馬行不用策徘徊翠微裏薄暮纔抵山山徑頗
險峙躡磴叩僧扉問余何至此謂愛名山來不憚
折屐齒須臾烹香薺泉味淡且旨是夕皓魄圓天
宇淨如水山下裂帛湖百頃無纖滓鳴雁摩清空
含光投遠沚世界成玻璃廣寒毋乃是晨遊固已

佳夜景良復美貪玩竟忘餐興極方擁被明朝暢
幽情再訪巖居士

其二

凌晨陟峯巔攀蘿歷峭嶠拾草探仙洞丹爐絕飛
煉聳身矚裂帛秋光搖素練伊昔金章宗茲構芙
蓉殿頻經萬乘來對景娛芳宴臣僚競詩篇宮伎
陳歌扇文物與聲明流風溢史傳我來紆遐想古
蹟漫游行

壽寧禪院

俗名卧佛寺

深山絕澗中崔嵬得古寺奇樹兩娑羅蒼翠鬱幽

邃疎榦既龍騫密葉亦鱗萃種傳西域來栽自唐
代始惡鳥不敢棲幽人每攸墜吾聞銅佛像作自
貞觀季一臥幾千年興亡不可記階下有流泉涓
涓一何駛坐聽如鳴琴令人起遐思悟彼無生理
塵鞅發長喟

水盡頭

觀音紺殿西雲中路如綫亂水淙淙流巧與細石
濺兩峯相對出千仞迴削面直是天鑿成縈此一
匹練傳自金源時創爲清水院至今石獸存蹲踞
不可轉山川猶是昔時代已屢變僧寮罕遺構佛

日有隱見幽踪難備按臨去有餘戀

香山

疊嶺競奇秀香山更蒼碧峻嶒欲摩天樓殿架絕
壁徑盤千年松泉噴萬古石濛濛林氣深鬱鬱嵐
靄積巖迴修廊轉突似踞虎脊高軒翼然開柱棟
猶玉碣左有來青榜具體明后跡中懸 天王書
神雄氣翕赫筆超大禹碑萬古當辟易瞻仰復憑
欄遠眺乾坤闢微茫辨神京斷續見行客一縷白
雲生似將前峯劃況逢秋正深間以萬樹赤景色
非意擬捫天若咫尺斯遊良已最吟咏記今昔

十八盤

長松數千株高下蔭巖谷中間鳥道盤歎崎不容
轂舍車換細馬搖鞭拂山綠十步一回折登頓互
往復仰面方陟嶺俯視已離麓老樹或遮徑鈎衣
且扶服磊砢石更多苦覺霜蹄蹴險盡徑始夷窈
窕一天竺深潭暗藏龍香壇晴過鹿足下生孤雲
衣間散幽馥僧寮凌霄榦不知何代木據根且盤
礴俯眺豁遠目同遊嗟已疲濟勝曰余獨

碧雲寺

洪光折而東松杉夾道長鬱蔥蔽白日一谿跨石

梁拾級登寺門棟宇何煒煌層檻虎豹踞曲枅虬
龍驤丹樓間複殿直欲摩穹蒼風鈴滿蒼角鞞鞞
聲鏗鏘諸天列獅座寶相金銀裝誰能役人鬼弘
構儼建章寺後有塚域四圍環雕牆麒麟與石馬
屹立森成行不審出何典儀制同侯王訪自于經
始榷稅歸私囊糜費幾十萬玉石營幽堂忠賢既
竊柄基址加恢張是時廊廟上惟知有貂璫墓碑
屬秉鈞姓氏猶章章痛彼患失夫何顏見左楊鳴
呼易代後青史分奸良我本遊山來頓觸忠義腸
安得五丁手剗此北邙岡一洗閻骨穢永昭佛日

光

後言請仆其碑剗其墓
詔從之時共稱快

贈中丞施研山先生

岱宗律律海邦膺膺味薊尾淮俗儂而窳 帝咨

元臣女叔女虎持斧于東大匡齊魯

曰昔齊魯木饑水毀自公泣止稻黍疑疑曰昔齊
魯帛魚狐薄自公泣止宵埃莫莫

懿歟邦直霜杲冰凝圭璧斯潔如淄澄澠罔墨或
綬靡廉勿登大有筮六介祉通升

徂徠九九喬哉松柏伊公泱泱今名嘉德 一人
用毗列服攸式荷天之休時萬時億

關山月

萬國樓頭月龍沙一片明
閨中依隻影塞上伴長
征銀甲寒難臥霜砧夜復鳴
不知清鏡裏兩地若
爲情

日暮

官閒羅鳥雀意緒覺清幽
古帖供模勒奇書任校
讐草濃飛蝶軟林暖落花稠
日暮開新釀匏樽還
自酬

春暮

宦遊何所事春暮未言歸
薊北草初茁江南花亂

飛暄寒風物異俯仰客懷非遙憶故山下白雲方
滿扉

登鄰寺高閣

客舍寡林趣古寺漫游行高閣喜一登縱目恣所
遣野曠村有無山密雲深淺願言尋赤松棄家棲
絕巘

送友人南歸

作客難久居況復知交寡寒風正淒人送子幽薊
野官柳不堪折佇立曷少假遠望蘆溝橋雲中度
征馬別去還入城離懷何自寫

庚申季春

賜講官兔毫筆

臣

鴻緒拜受一匣恭紀

朝來珥筆侍螭頭
花下圖書靜校讎
斑管五雲分玉几
黃麻一幅做銀鈎
輝煌翡翠牀爲飾
珍重琉璃匣共收
安世勲名成負橐
當年定遠未須投

其二

鳳篆金填

聖代年

管填國初甲子

尚方工巧製尤虔

先皇幾暇供濡翰

今上恩深賜講筵
攜向石渠資點勘
分讎竹簡助雕鐫
諸臣忠愛應交勉
夙夜書思答九天

庚申五月

恩諭加 日講諸臣銜臣鴻緒加翰林院侍讀學

士恭紀

五載瑤宮講幄臣朝朝橐筆侍楓宸花磚自覺天
光麗香案常承 帝語親豈有謨猷襄治理濫邀
恩寵異朝紳涓埃欲報將何具重疊氷銜愧此身

其二

晨珮常排闥闔關 經幃輒荷 渥恩頌久塵虎
觀慚鴻筆復署新題壓舊班鎮日校讐惟寶帙半
生遷轉在蓬山對揚 明聖真難副勉竭書思論

道間

庚申六月瀛臺

詔賜講官

宸翰

臣

鴻緒蒙

賜御書杜甫題王宰畫山水歌及絕句手卷一軸
曉闢宜春苑處趨太液池游鱗依水藻鳴鳳集桐
枝天錫瑤函燦光含寶露垂雲章欣共仰一畫
擬庖羲

其二

題畫唐賢句含毫

御墨揮行行騰霧縠顚顚落

珠璣花草應齊放
龍蛇欲競飛翠珉
宜敬勒奕世
紀恩暉

庚申十一月蒙

諭軍興以來從無賞賚

特念天寒

賜講官貂蟒朝衣貂褂各一出自
內府新製貂

毛深厚黦皎奪目迥異常品一時溫華被

體班聯生色臣鴻緒與焉拜 恩恭紀

北國篚筐虔入貢
華貂價值千金重
毛深色黦光
如油內勁外溫欺
雪凍天府收來寶
笥中不是隆

恩不輕動南方織成金蟒衣春絲巧出天孫機

三殿雲霞同絢爛 六宮花草分芳菲合成二美

成章服虞廷黼黻難爭輝詞臣進講 延英殿天

寒曉聽銅壺箭螭頭朝日未升階龍尾嚴飈撲微

霰內監傳呼 賜綺裘捧出光華目欲眩 詔謂

年來討不庭寸絲尺帛資軍行有時 御貂錫將

士解衣未暇頒儒生爰 念經帷沛恩澤用酌稽

古畱榮名側聞 王言如挾纊浹髓淪肌春盎盎

上下從頭一片新長袍短褂隨宮樣諸臣穿著齊

拜舞感戴弘施古無兩從今驅盡竟體寒誰話冰

銜是冷官羽衛見時交口羨鵷班指目共生歡惟
虞赤帝譏難稱勉竭書思一寸丹

奉呈徐館師擢都御史

歲庚月元枵 天王坐閭闔曰予崇副相承拂需
宏達迺眷鳳沼賢經綸佐邦罰吾師拜稽首荷寵
出紕闡嵯峨左臺高臺高烏叫月颯颯霜風清杳
杳雲霧豁蕩滌羣吏穢摩撫黔首活承明昨奏事
親奉 至尊榻痛陳變亂始天南歷豕突甌池并
羊城青山拄白骨已仗 廟算神奇兵掃窟穴惟
茲投戈衆鷹眼防餘孽古皇定反側不事施鉗掣

解散驕悍心買犢歸吟嘖緒也忝史職側覩天
顏悅莞爾一德孚周咨九土割朝奏夕報可島峒
謳歌洽乃悟列柏威白筆高黃鉞訐謨方孔彰洋
洋滄溟濶竊慶蹇諤風袞職今靡闕豈惟昌禹儔
上擬稷與契願瞻公鼎光陰膏潤窮髮

暮春座主徐公招遊阜城門外馮園讌集分

得帶字

春日晴且佳崇山浮宿靄聯轡遵芳郊言尋賞心
會臺古半傾頽松響自竽籟離立花五株婀娜風
塵外草色媚尊疊林香藉襟帶笑言遠託深徙倚

繁憂汰更睇隔牆圃嘉樹何蔚蒼步屨還攀躋密
葉翠成蓋貪玩竟忘疲景寂遊逾最何時盍簪纓
重來豁埃盞

榜後周子鷹垂姚子赤城宋子楚鴻嚴子大

用兄后張寓齋夜飲

竹梧清夜小庭幽有客勞歌動旅愁三載重逢燕
嶠月一行初聽塞鴻秋詩成東野腸應斷才惜劉
蕢淚暗流莫怪風塵辜市駿由來雲路幾驂騑

送周子鷹垂南歸

秋來燕市劇悲歡客裏臨歧話別難趙璧漫期天

下重隋珠空向暗中彈
渾河楓老蕭蕭落嶽路
花疎漠漠寒此去莫嫌逃
苦竹輸君詩句滿琅玕

貽故鄉諸子

十年京國別漁磯
零落賓朋事半非
問訊每逢邊雁斷
忘機空羨海鷗飛
愁中鑷鬢添新白
病起量衣減舊圍
爲說天南騰凱奏
春時應買片帆歸

暇日遣興

暇日琴書草堂靜
簾前景色堪徜徉
雲來千嶺曉光白
木落一庭秋思蒼
島寇漸聞散渤海
王師應早清
炎荒儒生籌國心
頗切且對黃花浮巨觥

月夜周子鷹垂寓齋小飲

秋深搖落倍依依對月長吟燭影微
隔院霜砧疎復斷傍簷風葉靜還飛
田園既穢吾將返珠玉空沉爾獨歸
岐路素絲無限恨燕吳千里共清輝

喜吳漢槎塞外放歸奉和徐座主原韻

芒鞋生入薊門關宮闕渾疑夢寐間
一去龍沙同永戍廿年雪窖易顏顏
身因知己驂爭贖帝爲騷人詔許還
從此扁舟供嘯傲莫釐峰下釣潺湲

其二

蕭條遠客返吳關歸老餘生里閉閭重見江山猶
隔世別時童丱已衰顏久從絕塞占烏白却勝仙
家化鶴還應有五湖漁父約烟蓑挈榼聽潺湲

其三

聞君塞北結柴關銷盡生涯得喪間庶白賃時勞
挈孟簞瓢挂處樂尋顏飯牛歌罷空今古射虎人
閒競往還獨有思親無限淚幾回南鴈幾潺湲

其四

當年禁使出榆關麗賦南騰霄漢間推轂不須煩
狗監凌雲競說動龍顏侍中表奏容卿返屬國

家零貫子還苦憶悲歌吳祭酒重來生死涕潺湲
其五

相過燕市欵荆關南朔山川抵掌間塞外雪峰如
白首吳中花岫似朱顏幾年衰颯聞笳動何意長
空任鳥還翻憶遷人成故舊臨岐蘇李淚潺湲

其六

春回臘盡鳥關關放浪吳山越水間穹帳追思嗟
獨客板輿重御慰慈顏牽衣昔悔文章誤嚙指今
逢塞嶠還好友竹林招痛飲糟牀新注響潺湲

秋夜獨坐感懷今昔率成十絕示周子鷹垂

文章化去倩誰知又遇丘明國語時不是天公憎
命達要君珠玉入君詩

其二

君家池館水雲封左右窗懸兩碧峰猶記石林人
醉後却從天際落霜鐘

其三

谷口鶯啼柳色晴舊時竹馬尚含情廿年歲月真
彈指不信相看白髮生

其四

小小雞壇結客雄笙歌密坐蠟燈紅于今舊雨多

零落腸斷山陽一笛中

其五

佘山風景劇堪誇
憶昔春嘗雨後茶
最愛徐園山閣好
長松高冑日南花

其六

神鼉仙館拂雲平
曩日登臨愜客情
妒殺一峯高隱處
半山修竹聽流鶯

其七

傀儡登場總是空
秋花無復似春叢
憑君巧拭青鸞鏡
昨日朱顏今不同

其八

每向旗亭送客行
車輪滾滾雜離情
看人作郡渾閒事
只怕當筵唱渭城

其九

歇浦嚴冬漲白波
帆檣怯渡意如何
年來宦海愁邊老
較是風濤底處多

其十

故里雲山道路紆
歸心日夜憶三吳
縱誇沁雪黃芽脆
得竝江南玉筍無

送汪舟次太史冊封琉球

梯航重譯集共球玉節遙頒出鳳樓東觀日邊承
簡冊中山天外列諸侯

其二

一疏天飄 御墨香詞臣親捧下扶桑金函直壓
蛟龍氣雲漢遙垂島嶼光

其三

三載鳴珂入紫微爭看負弩八駟歸養堂秋日開
瓊華誰似麒麟作綵衣

其四

聖主威靈巨壑通金書穩度海雲東莫言弱水三

千路自信牙樯七日風

其五

祖帳青門柳拂霜乘風萬里興偏長蓬萊未淺還
金闕爲覓安期棗共嘗

其六

蕃王虎拜紫綸明渤海榮光接帝京陸賈豈煩陳
禍福無波早識聖人生

其七

南溟爭喜使星臨絕島歡騰瑞靄深夾道鮫人知
姓氏舊傳詞賦到雞林

其八

重曼山圍氣鬱葱瑞池晴淥繞王宮
蹋蹄行酒多蠻曲可否輜軒備國風

其九

彭湖旦暮翦長鯨好諭孫恩乞解兵
丈組繫降賢十萬他年麟閣繪書生

其十

太史河光映客星浮槎何日返東溟
祖麟羣鳥應須記遲爾高文早汗青

題李木菴小照

同年同館又同鄉十載同趨鷓鷯行宮漏幾聽逢
夏序最宜人是早朝涼

奉和總憲徐館師除夕作次原韻

蒼生羣望屬綸扉暫借烏臺領繡衣霜簡直寒三
殿色冰心嘗戀五湖歸劇吟珠玉吹塤合此夕椒
辛入饌肥聖代和羹須鼎足抽簪應訝小山非

時果

亭請假

其二

自愧荒齋只舊醅也邀伯仲酒頻催盤飧漫剪燕
山韭鄉土空懷驛使梅爆竹聲中驚客老更籌殘

處覺春來朝元詰旦
權王會應有禎符獻玉杯

再次原韻是夕家伯兄仲兄守歲寒齋

競看桃符換板扉
條風行復試春衣
今宵共醉藏鈎會
明日相攜割肉歸
不斷歌鐘雲外響
無邊梅柳雪中肥
流光荏苒催詞館
青史何年定是非

其二

著作揚雄合覆醅
浮沉金馬白駒催
宦情淡似東歸水
鄉思濃於渴後梅
天上玉杓隨曆轉
鏡中青鬢點霜來
風塵得失關何事
且盡屠蘇酒一杯

奉題總憲徐館師小像

木雲山人集卷之十三
五
泰華精神海鶴姿黑頭蒼佩領南司犯顏輒諍非
常事論世偏懷太古時暇日聽松欣晝靜幽亭焚
草畏人知願公直繪凌煙上莫向江湖動釣思

其二

舊聞圖畫百城懸碩德羣推邁潁川此日添毫神
倍王獨居憂國意堪傳名同絲繡平原貴事勝金
摹少伯年更說幽風陳稼穡知公嘗繪 聖人前

寓舍花和葉訥菴前輩原韻

脂粉天工著意勻亭亭玉立倩誰人簾前紫燕交
相啄憑仗花鈴護一春

送學士張夢敦前輩請假葬親用李空同東

山草堂歌原韻

浮山千仞松夭矯凌雲孤清陰含日月黛色浮江
湖天生樑棟扶宸居虞廷喜起臯夔趨觚稜金爵
五色湧翠旗倒影龍蛇動時清既奏咸池曲主
聖不事長沙哭鉅儒特簡參密謀公也經綸冠
天祿賜宅紫籙天聞聲瓊樓地接雙虹明宮壺
的的朝論道花霧漠漠宵談兵龍函鳳幄尋常見
玉液金罍陪秘殿前著真邁子房籌同時不數相
如羨五年溫室孰可攀陳情忽擬還浮山名儲金

鼎且晚立棄却負土松楸側
蓼莪哀露尋舊廬忠
孝 褒綸詞悱惻宮中錦鯨細
縷織匣裏寶鏹白
雪色謁者捧賜跪且宣黃封
手勅烏絲黑都門三
月梨花白絳騶戒途春風塞
冠履惜別傾城出帳
飲如山擁南陌大江淼淼清
不極功高衣繡返鄉
國出處君親何兩得君不見
漢殿賜金榮二疏千
秋史冊空畫圖明良會合絕
代無暫行豈賦歸來
乎如公乃古偉丈夫嗚呼如
公乃古偉丈夫

奉和益都相國致政歸里原韻

帝城秋色點疎揚別墅驪歌
滿路霜前膝正殷黃

閣命拂衣堅請白雲鄉十年几杖升堂久千里溪
山屬夢長祇喜鄴侯勲業舊九重親餞出天
章

其二

郵軺星使送歸閒盛事千秋史不刪並說辭榮高
鳳隱更聞入奏感龍顏身依湖海還扶日力整
乾坤却買山設祖青門頻悵望淄流東去萬重灣
壬戌元夕

賜公卿及詞臣九十三人宴於乾清宮

上親發玉音因命諸臣效柏梁體繼和宴畢各

賜表裏恭紀

我

皇御極二十年峻德欲配崑崙巔揮斤八極奠九
埏神武威震天根邊聖文道協河圖先明
堂都兪皆庭堅深山邁軸無遺賢小廉大法百職
虔功成治定諧宮縣民宅爾宅田爾田三岐六穗
盈郊阡公私充裕貫朽錢商賈居積貲溢屢時方
上元春芳妍太乙下照藜光懸傳柑盛事載簡編
闡闔洞啟張錦筵九霄宿衛森貂蟬玉音錫宴
雲中宣公孤卿尹來連有鳳池從古恩遇偏佳辰

鳴珮隨班聯 乾清法宮參瑤天觚稜金爵杳
思牽重楹畫棟璫璧纏東西寶樹明燈然魚龍曼行
騰青煙雕簷結綺垂金蓮蔚藍高處仙樂傳丹墀
稽首鵷鷺駢大官几席陳花氈嘉肴珍味椒蘭煎
儉腹飫飽天厨鮮闔殿斟遞觴盈千五齊九醞如
流泉糾儀苛細令悉蠲式燕又思勞中涓廣寒皎
潔冰輪圓姮娥鬟珮何便娟 衮水醉穆揮五弦
弦中交傲曷勉旃 天文高琢羅璣璿煌煌自合
青瑤鑄左右遞授金花箋羣工不少許與燕小臣
執筆慚非椽須臾內紵拜賜連雲龍五色浮歸駟

天恩浩蕩波汙漣作詩紀遇言彘彘從今秘冊加
磨研勉力史職追固遷

駕幸闕里詩

并序

皇帝御寓之二十有三年歲在甲子東巡狩至于
岱宗從官及守土臣千餘人齊魯士庶百萬衆咸
拜手稽首而頌曰

天子至神聖武功文德超軼夙古四海之內兵革
偃息男樂其疇女修其業士誦于庠工習于市罔
不沐浴膏澤加以時和歲豐休禎肆應封禪之舉
厥惟斯時可以無慝矧山川百神效靈冥漠俟蒼

璧之禮久矣今幸 翠華蒞止宜茂修鉅典以答
神休慰輿望俾英聲茂實永爲萬世稱首

皇帝顧歆然曰子德遜古皇奚足增高泰山若徒
藉是以夸耀潤飾於治理何裨惟念道大德全自
生民以來未有如 孔子者歷禋之主或行釋奠
禮于太學或親幸其里隆祀易號以示尊崇然其
儀卒不備未足爲 至聖光遂飭侍從 幸曲阜
咨諸禮官博稽掌故凡所以致禮於 先師加恩
于其子孫者靡不合于古制而優渥且什百焉既
迴鑿羣臣請曰是非勒成一書無以昭示後世願

集深明典禮與躬逢盛事之臣會于襲封衍聖公
臣孔毓圻所以紀其實 制曰可越數年書成命
之曰幸魯盛典夫

皇上繼天立極作君作師堯舜周孔道合而一是
以遠邇同化軌度協則雖三尺之童罔不吟咏詩
書講求王道詎必親臨洙泗始知鼓勵哉然猶屈
萬乘之威嚴欽素王之徽範致誠盡恪至於斯極
蓋惟聖契聖德彌高故心彌下也 臣鴻緒備員九
列夤陋寡學不足贊助文治之萬一庶幾作為歌
詩傳之無窮以志揚頌謹依古韻成四言詩十二

章備載

皇帝隆師重道之至意而度越漢唐宋諸誼辟之
侈功德而事登封者有若此詩曰

惟帝省方唯王時邁舜咨岳牧禹勤畎澮匪遊匪
豫勤民罔懈水天爲需雷雨爲解恩自上流澤唯
旁逮雲拂霓旌風颺翠蓋城邑連歡無間童艾

皇心載懌施恩中外興墜葺闕蠲租已責部屋窮
簷堯天共戴得所未曾方駕前代

其一

屬車東指動地雷聲岱宗望幸風清日明

皇曰封禪不著于經近 聖之居肅穆儀刑爰

勅羽林釋服弛弮爰

命從官赤芾朱紘朕教天下匪聖弗程而弗致敬
道曷其貞遐瞻廟貌

皇心廼寧默契至德于牆于羹

其二

稽古釋奠著于典禮有肴有核有酒有醴儻爾籩
豆犧尊壘洗器物既備

皇心載喜山龍黼黻九叩而起禮官改容父老流
涕昔實無之今真見矣匪聖自尊唯

皇屈已

其三

肆筵既撤綈几斯陳章縫絡繹冠珮繽紛趨蹌進

退中禮而文 重瞳顧視

臯心載殷危微精一載在典墳微言未墜統緒若
新由國而家由家而身曰平曰治在乎一人綱舉
目張縷析條分能窮閭奧繫聖子孫我

皇聽之日昃忘勤

其四

言循階城周視堂廡丹雘失鮮蓋蝕風雨

皇心若戚厥功命舉顧謂上公大啓爾宇內府金
錢唯工所取烏跂翬飛重規疊矩奔藏車服莫安
鐘虞匪彰爛朗匪夸弘鉅爰致尊崇昭茲來許
皇發德音玉振金聲

其五

皇灑宸翰鳳翥鸞騰聖人之德日月光明聖人之
教天地清寧羣言贊嘆細若秋蠅恢弘 天語洵
集大成既簡而該一詞莫增銀鉤列牘璀璨瑤瓊
鴻篇諧律鏗鉤咸英 頒示天下如矚開盲父以
訓子弟以承兄佩服文教鼓吹昇平其六
出警入蹕甲仗森列亭亭華蓋如卿如霽百辟仰
觀層霄捧日是惟法物伊誰隕越

皇顧司儀賚茲若愬

皇心匪愬褒崇禮絕黑貂蒙茸既燠既吉金繒絢
爛既充既溢矧茲 異數聿光前烈折拜稽首懽

其四

紮陌鱗鱗列翠旌
堯樽頒賜不勝情
共歡

聖主同民樂萬載
常調玉燭明

題高學士澹人所藏文待詔畫卷

待詔當年迴擅名
煙雲萬壑墨濤生
誰能勲業真如畫
霖雨蒼茫滿太清

題友人蔬香圖

清襟每愛碧山遊
爲繪春蔬晚摘幽
却笑天教餐玉饌
可能鮭菜擅風流

題友人垂釣圖

金鰲春暖柳條新 賜第斜連太液津對景莫懷
濠上樂釣綸已借作絲綸

乙丑正月

詔直南書房恭紀

頻年丹地近 宸旒每荷旁咨造膝畱濫佐版曹
司國計更傳仙禁講箕疇 天文日月初懸象溫
室圖書欲汗牛下直却過龍尾道依稀宮漏散蓮
籌

其二

木天比似大羅天又出清班列上仙此地直通宣

室近幾人常侍 玉皇前東虛雲路懷鉛入西掖
花欄得句先所愧空疎辜 主眷還家仍對西山
編

歲除前二日侍直 南書房蒙

恩賜左都御史臣陳廷敬戶部侍郎臣鴻緒各內

府表裏八端恭紀

經年聯珮侍明光帶月趨朝到夕陽常愧濡毫無
玉藻忽驚踰分拜雲章金梭織就虬龍舞黃紙封
題錦繡香自是尚方供 御用特教頒錫事非常

其二

禁中章采七襄機黃帕雙攜出紫微難並臺臣褒
舊學却憑宮樣製新衣芳華首值元正節披拂常
承日月暉忝竊 君恩真莫報惟盟匪懈荅經幃
丙寅二月蒙

聖恩賜假省親辭行

賜御書聖主得賢臣頌一卷李白宮中行樂詞一

大幅銀四百兩內緞十端恭紀

維羊知跪乳伊烏篤所生矧人秉懿性忍忘鞠育
情我初營祿仕冀得三釜榮立年始通籍冠珮趨
承明濫膺 聖皇眷接席公與卿豈不歌帖妃委

贊誼匪輕用是勉供職歲月徒淨潔迢迢五茸間
瞻望涕泗盈茲幸得所請何當寵賚并惕然念家
國去住心屏營

其二

瑰麗王褒頌主聖臣則賢俊逸李白詞樂府播管
弦我皇萬幾暇舉筆揮雲煙天葩燦鸞素星
彩騰龍箋日月既璧合五緯仍珠聯巨書幅過丈
細書數盈千行行赤城霞箇箇青瑤編躬膺不次
恩拜捧玉案前戴高難報德履厚若臨淵循思父
母身移孝理固然

其三

十載官京師不爲溫飽謀伐檀愧素餐慨然念前
修頻年 賜貂錦恩及踵頂周歸諗辭 紫闥

賜予一何優白金出梁益精瑩五十流

銀八兩
爲一流尚

方十端綺黃封束兩頭 諭曰其齋歸開爾高堂

眸有子際昌時荷茲 恩數稠宣 旨一以奉庶

幾宿疾瘳感激聞 聖言淚下不可收

其四

及壯服官政犬馬齒未孱鞅掌勤王事敢云思故
山家有白髮親日望遊子還 君恩浹肌髓暫賜

數月間巾車轄已脂春明柳可攀
離飛集苞栩鳴聲何間關喜近
萱椿悻悻離儒林班迴望長安日
無異瞻天顏

己巳二月

大駕南巡臣鴻緒迎至宿遷道周仰覲
天顏恭

紀

鑾輿南幸九旂明率土懽呼夾道迎
曲蓋中間龍馬上聖人遙見說臣名
從官說臣名
上遙見即向

其二

繡陌風前請聖安黃韉徐控笑言歡
問
上扣馬
度收

更虞羽騎衝儒紱

勅旨迴傳自內官

駕過復
今內官

傳論爾有服不穿
朝衣防被馬衝突

大駕至吳闔 行宮

賜御書唐詩一幅糟鹿舌三匣鹿條一大東乳酥

及宮餅各數種恭紀

迎鑾士女溢金闔錦綺花棚百和香行殿從容猶
染翰詞臣先得 賜奎章

其二

吳下徒誇鱸與蓴 大官食藉見無因紅糟鹿舌

初開篋已是流香到齒齏

其三

黃紙封腰出內厨晉卿詩裏見膏腴仙家漫列青

麇饌及得斑龍束脯無

耶律文正公有鹿尾詩斑龍鹿別名

其四

玉葉瓊酥剪刻成涼如沆瀣色如晶縱教仙醴傾

金碗那有醍醐灌頂清

其五

慣餐寒具與牢丸宮餅初分小月團飽食始知天

上品敢將方法問湯官

漢書少府有湯官主餅餌事

其六

已拜蘭珍自上方更頒寶翰挂茅堂妻孥共飲天
家味鄰里來瞻日月光

橫雲山人集卷之十三

橫雲山人集卷之十四

雲間王鴻緒儼齋撰

谷口集

漫成

谷水城西一草堂
溪流曲曲即滄浪
匝池齒蒼承朝露
滿院梧桐散晚涼
老去杜陵追稷契
歸來彭澤傲羲皇
不知元祐諸君子
洛蜀紛紛何所望

愚谷

慚愧東華未掛冠
暫依廬舍息風湍
千章綠樹數聲鳥
五畝蒼池一釣竿
自古智囊徒朽鑿
幾人愚

谷漫盤桓間中歲月嗟難得好把雲山著意看

題店壁

旅店淒清上巳辰一年兩度逐征塵故園此際花
如錦應笑東西南北人

又

鶯花歷亂此佳辰暫別東華十丈塵好把絲綸垂
碧浪一竿瀛海釣鰲人

端居

自笑田間樂不支端居幽事少人知窗松翠傲三
冬色庭鶴聲含萬里思偶步溪橋成小飲或憑山

閣細吟詩仙源自有桃花逕莫遣漁郎來問時

遊燕子磯南僧寺

石頭城外鬱崔巍暫泊扁舟斷岸隈古寺尚存僧
已易青山無恙客重來懸崖千仞如雲覆峭壁雙
分類劒開獨對澄江晴練濶棹歌猶散六朝哀

溪上

川觀澹無事水清魚亦稀垂綸聊取適靜與雲相
依

訪友

獨坐憶儔侶言訪幽人蹤行行入谿谷落落穿長

松巖靜見栖鶴雲深聞暮鐘攀花非一徑徙倚迷
歸筇

溪行

浩蕩成春遊溪行入晴靄泓然百頃明山橫翠如
帶漁深蘆隱舟崖轉灘鳴瀨更睇桃花村依依白
雲外

橫雲山莊

山以陸士龍得名

清河本達者顧影常軒渠雄辯茂先座名揚入洛
初機軍佐穎戰無乃忠義疎一朝同被收悲哉孫
惠書入亡典午際山自永康餘我來愛絕壁買地

開蓬廬陳跡感陵谷至理觀盈虛鳴琴聊取意垂
釣非求魚風光恣攬結何用儋石儲每聞白鶴唳
望古增噫噓卓犖張季鷹尊鱸頗自如

酬總戎張又南見懷次原韻

留侯勲業迥無前謁帝承恩出九天舊識臯陶
平法理新知高密愛儒賢酌庸不愧麒麟閣坐嘯
眞清島嶼烟忽覩雲中傳尺素瑤華何意到林泉
余家舊藏董文敏烟江疊嶂圖已巳春

聖駕南巡余恭迎於揚子江口時宮詹高澹人扈
蹕舟中余出此卷相玩賞迨澹人旋都作書貽

之庚午夏日澹人摹董畫和東坡歌行相

贈漫次原韻

春江激灑浮千山誰能潑墨垂雲烟晉卿不作坡
仙往側身懷古心悠然五茸文敏畫無敵重摹曩
蹟開林泉余藏茲卷吝莫出如龍抱珠潛深川已
春 天子東巡狩吾友扈蹕金焦前江山蒼翠妙
入畫撫卷舉酒酌江天今君歸來通六法迴與王
董爭清妍愧余畫理渺河漢手鈍只合耕山田君
不見宋明朝市幾更變惟餘前賢翰墨流千年讀
君詩句戛金石懸針妙楷何便媚更看山崖凌萬

頃巢松我欲欹雲眠江山文筆兩幽絕珊瑚君骨
眞神仙嗚呼武陵輞川杳何處臥遊斯畫銷塵綠
感君贈我瓊瑤重三復難賡白雪篇

庚午秋七日余以仇山村詩卷寄贈澹人蒙

和仇作惠詩四章漫次原韻代柬

入林且喜作閒人谷口棲遲度幾春鶴唳幽庭驅
俗思松風高枕得天眞琴書遣興從吾好牛馬相
呼任世嗔回首東華塵十丈溪山何負百年身

其二

滿目驚濤與疾風誰能手障百川東結交半異升

沈態報國慚無尺寸功薄宦已諳同腐鼠青冥何
慕弋歸鴻一樽庭院秋花晚得失渾忘學塞翁

其三

蛾眉謠啄實危身喬蔭依依二十春熊館昔爲同
賦客鴛湖今作耦耕人誅鋤荒穢開三徑較量陰
晴祝百困便學老農圖活計應嗤通隱未爲真

其四

龍門往事可沾巾鈎黨讒與合解簪却掃全生劉
祐節艱危護友令公心感深同病嘗貽帶情激知
音欲鼓琴捉鼻料君應不免豈能山澤久行吟

曹荔軒棟亭圖

東髮誦三百蔽芾南國棠遺愛在斯民猶戒翦拜
傷何況仁孝心手澤詎忍忘猗歟司空公惠政敷
江鄉官廨植嘉木藹藹揚清光蟠根滋地脉繁實
凌冰霜茅亭却丹雘素心用何臧婆娑一枝下授
經聲琅琅哲嗣雙鳳舉苞采輝巖廊偉略裕終賈
麗藻追班揚惟 帝曰作服黼黻資垂裳元方拜
命出玉節來金閭甬勉公務餘秋色忽已蒼萬山
隔親舍白雲邈茫茫長歎感風木物在人云亡愴
俊若聞見燕吳遙相望蓼莪懷罔極三復嘗淋浪

古來藝苑內奇樹標篇章孔明廟前柏德操園中
桑君子誌隱節大匠惜棟梁豈若本至德喬蔭含
馨香試展棟亭圖難以繪事量淵哉霜露思永與
日月長

題友人小像

叢竹逃名不可攀偶從圖畫識蒼顏淵明雅尚琴
樽裏長統風流水石間遊展幾人窮五嶽幽襟開
處卽三山知君頗有盧仝好小鳳攜烹碧玉灣

壽提督金仁叔

銅柱曾標戰伐功牙旂新駐大江東樓臺清宴扶

桑日壁壘森嚴細柳風庫在當陽經籍裏人歸羊
傳嘯歌中欣逢兕酒喧城市萬仞芙蓉頌碧嵩

辛未秋

鴻緒

被撫軍鄭某連章誣劾對簿白

下蒙

聖恩寬宥

諭旨刊布州郡九叩虔誦感激流涕口占六首略

紀始末

纓紱長辭隱碧岑更煩鉤黨是何心關西作吏傳

清白可有深文爲却金

時撫軍受要人指以余三年前却金事入告欲陷以

重辟

其二

幽憤何由達 九閻刊章追捕動驚魂惟呼老魅

供騶蹋始歎人間獄吏尊余對簿時問官某承奉

受刑慘毒倍至究不能誣始坐以

不出首余謝 思疏中曾及之

其三

十行渙汗下 瑤閭牘背停書返故鄉從此餘生

回靈夢萬年明聖頌 天王撫軍再疏誣劾 聖

內外共消朋黨并及罷歸諸臣咸欲使之

遂生樂業大哉

王言聞者無不感悅

其四

萬國咸歌祝網仁猶傳屠伯意含嗔名流枉是懸

金構無復林慮匿影人

其五

鯨吞數載閃驚濤却埽懸車尚莫逃幸遇 帝堯
三宥日不須北寺祭皋陶

其六

日飲無何手一編從今耕鑿度光天試看折檻朱
游傳弟子牛車樂鄠田

恭錄

上諭從來致治之道在正人心人心偏私則詐僞日
生而習俗滋敝人心公直則囂競自息而庶績允

釐朕蚤夜孜孜崇尚德教蠲滌煩苛期與中外臣
民共適於寬大和平之治凡大小諸臣素經拔擢
咸思恩禮下逮曲全始終即或因事放歸或罹咎
罷斥仍令各安田里樂業遂生惟爾諸臣亦宜奉
職恪共絕偏私而襄國事乃近見內外各官間有
彼此傾軋伐異黨同私怨交尋牽連報復或已所
銜恨而反囑人代糾陰爲主使或意所欲言而不
直指其事巧陷術中雖業已解職投閒仍復吹求
不止株累逮於子弟顛覆及於身家甚且市井奸
民亦得借端凌侮蔑紀傷化不可勝言凡若所行

雖跡甚詭秘朕總攬幾務已三十年此等情態知之最悉倘因仍陋習益致蔓延殊非朝廷所以體恤臣工保全愛惜之意夫讒譖媚嫉之害歷代皆有而明末爲甚公家之事置若罔聞而分樹黨援飛誣排陷迄無虛日以致釀禍既久上延國家朕歷觀前史於此等背公誤國之人深切痛恨自今以往內外諸臣應仰體朕懷各端心術盡蠲私忿共矢公忠豈獨國事有裨即爾諸臣亦獲身名俱泰倘仍執迷不悟復踵前非朕將窮極根株治以交結朋黨之罪爾部可即傳示中外使咸知朕意

康熙三十年十一月初九日下本月十四日吏部
議覆隔省部堂等事奉

旨已經頒有諭旨這案處分行察俱從寬免

臣

王鴻緒九叩首謹識卷中頂戴

天恩於世世云

壽徐果亭六十

先生早歲即知還白石青松畫掩關籬畔獨吟多
古調庭前相對有名山嘗持忠信風濤際不分乾
坤洛蜀間愧我江潭憔悴甚何如弘景駐朱顏

題友人賜櫛圖

一枝含露 至尊傳異種
塗林出九天爲賞
搗文同玉潤却教賜果得珠聯

又

甘旨慈闈孝養聞
攜歸此日獻清芬
承恩絕勝東方朔
割肉徒然爲細君

贈周廣文

秉鐸來峰泐師嚴
道自尊經文能口
授首荷是盤飧不
改孔顏樂可同
朱陸言一觴聊
獨進秋色滿前軒

輓友人

鈞黨頻驚意未休，賴君悟省我林丘。
君今年少歸黃土，誰信人能到白頭。

其二

一生一死更誰知，覆雨翻雲事大奇。
試問元都桃幾樹，青青誰是歲寒枝。

其三

彈文一奏百川回，鯁直聲名到處來。
衛玠頓亡梁棟折，不徒零落痛泉臺。

晉衛玠卒謝鯁哭之
勸曰梁棟折不覺哀

其四

一疏陳寃上玉除，君傳魚雁慰離居。
那知吳苑開

緘日已是驚爲故友書

余謝疏到京黃門寄書相報及至而凶問亦已聞矣

其五

屈指神交尚有無平章洛蜀兩躊躇
傷心難忍黃
壚痛况遇人間阮籍途

其六

椿庭白髮淚堪垂
幼子伶仃更可悲
幸有山公高
義在莫愁嵇紹是孤兒

指一友人也嵇康臨終謂子紹曰山公尚在汝不孤

其七

同聲相慕曾憐我
邈若山河苦憶君

余與給諫平生未嘗登堂

讒人指爲朋黨因此反成患難友

遙想總帷蕭寺裏
孤燈寒食雨

紛紛

聞給諫樞
移夕照寺

贈僧之清涼山

幾年蓮鉢住江鄉，支許名言意味長。
久識定中忘色相，更從天外覓清涼。
錫尋祖塔花成雨，杯渡吳淞水自香。
話別溪橋無限景，雲山南北兩蒼蒼。

蛛網落花敬和座主徐大司寇原韻

爲惜春殘小院過，蠨蛸當戶意如何。
誰能零落畱茵席，可任繽紛似雀羅。
紅雨撲來香片片，冰紈織去影傴僂。
世間結習渾難化，維摩經曰結習未化故花著身謾說沾人得巧多。
唐時宮中故事，蛛絲占巧。

柳絮敬和座主徐大司寇原韻

韶華乍轉萬枝稠
漂泊東風似雪浮
梁苑歌殘紫
別恨隋宮飛入亂
春愁征西撫樹人
增老少婦登樓
歲暗流獨有陶潛忘物我
依依門外任遨遊

和友人題王石谷江山勝覽圖

浙水吳山斷復連
生涯小隱任桑田
閉門作畫銷長日
不學韓康入市廛

酬友人見懷次原韻

安石東山日蒼生
望若何譬猶逢旱爨
所在想滂沱
黼黻需斑管
烟霞戀碧蘿
華陽書絡繹
綠野樹

嗟我鵬對何須臾鴻飛豈受羅先生真卓犖老我自蹉跎智乏槎乘漢愚同手障河鬢毛空棄鑷貝錦不停梭吾道榛蕪滿天恩雨露多永懷金石誼浩蕩五湖波

壽中丞宋牧仲先生

今代文章伯蘭臺賦大風江花同綺麗謝草並青葱人物鍾清汴山川仰碧嵩一門傳七葉四世紀三公家有文貞笏塗歌鮑氏驄鷄香仙署迴熊軾潞河雄帝念東南重公來雨露豐海濱寬杼袖閩左振疲癘報績膺高蓋褒綸下紫宮虎圭三錫

異羊節兩江同雅化消鉗網青襟豁霧雲容談秋
月裏心事玉壺中鎮物推安石通門念孔融宿欣
隨劍珮今喜荷旃幪當戶惟羅雀聞弦尚畏弓若
非依宇下安得穩牆東漫植六生柳甘名童子鴻
一泓絲釣碧三徑藥翻紅春序逢生甫吳歛滿頌
馮願看調鼎後百歲訪崆峒

題許鶴沙先生小像

先生歸去來東山自臺榭飄然遺物情傾耳青松

下

其二

百城競圖畫漢有陳太丘開卷對道容古人勝今
不

其三

每過水鏡堂芳潭清且泚小隱荷花間亭亭是君
子

其四

高冠復何在久掛神武門爲愛奇礪石白頭雲水
村

其五

尋山亦太勞荷鋤良獨苦羽扇搖清風穆然遊太

古

其六

青青玉樹枝灼灼商山芝却羨謝公樂端居兩得之

酬姚綏仲太史枉過山園二首

元卿謝免臥蒿萊荒徑何緣上客來千里相思勞命駕九秋高詠漫傳杯鱸魚江上寒堪釣叢桂山中晚自開應訝小園無足賦臨風虛抱子雲才

其二

執經孔李號通門廿載生成感舊恩弟子彭宣絲

竹絕公孤楊震斗山尊嘗懷雪夜情何極每到西
州淚暗吞師說徒傳慚老大相逢賢阮不堪論

追念

座師端
恪公也

秋日奉邀徐座主大司寇盛誠齋侍御許文
觀察飲伯氏園亭時伯氏在江上

伯氏園亭傍水濱漫勞花外轉朱輪名流看竹何
須主凡鳥迎門且對賓雨後琴樽浮夜月中鹽
豉剪秋蓴經年未得依函文喜沐光風笑語新

家司農叔招陪徐座主大司寇許文觀察盛
誠齋侍御讌集秦望山莊因檢校橫雲不

及赴賦此志謝兼訂遊山中

園林秋致佳况乃耆英集隔浦遠相招翩然來畫
檝情誼一何深延賞猶赴急欸欸札中言依依小
童立側聞窗外山累石增崑岷岌成青桂陰繁香
被廣隰尋覽違歲時言遊散煩悒讌罷訪橫雲載
希西爽挹橫雲近若何或道冗未葺白駒空谷來
難以歌維繫亟驅園丁往竊恐不暇給用辭良會
歡親掃茅齋濕方諸梓澤園啞然笑荒澀睠維片
石高八峯可平揖絕頂聊振衣秋花亦雜襲群從
待泛觴弟子渴負笈莫滯入林期巖前遙佇立

中秋後二日奉邀徐座主大司寇偕盛誠齋

侍御許文觀察家司農叔銀臺仲兄遊橫

雲山恭酬徐座主作

五湖潑灑秋光早湖上秋山黛如掃吾師著書久
閉關結客看山散懷抱看山八月何處佳却道橫
雲山更好翩然桂檝到茸城故舊親知盡鳧藻紛
紛圖畫貌三君濟濟衣冠驚四皓是中侍御鬚眉
蒼尚齒當筵稱國老司農有養清而腴宮允仙姿
嗜安棗觀察昔
官宮允吾師精神泰華寧著處林泉事幽
討緒也元亭愧後生頻年憂患形偏槁不堪白髮

長牢愁嘗向青山除熱惱欣逢長者駕籃輿載酒
攜尊至花島懸崖飛溜濺芳潭絕嶺哀篁瀉蒼昊
秋光到眼豈論錢似此奇壘勝瓌寶詩句爭題輞
口莊同人恍在山陰道吾師勸我勿棄捐亟從茲
地營蘭橈巖間團鳳綠堪烹山下紅杭香可搗園
成貽語我當來鎮日看雲共傾倒小子聞言敬致
辭東山安石終師保優詔彤庭旦晚來舍人自
合催輿阜待師功就再抽簪洞口重期拾瑤草

秋日邀盛誠齋侍御遊橫雲山六首

秋光晴日滿江河上客蘭橈谷水過濁酒一樽藏

已久青山九點足高歌交因鄭驛音書易話爲甘
陵感慨多幸遇 聖朝寬大詔忘年相與臥烟蘿

識齋爲友人以其手札
上 聞遂致鐫秩罷歸

其二

挈榼邀賓到野莊懸崖古木鬱蒼蒼山經秋色增
奇麗酒入詩懷倍慨慷隱去雲龍周柱史亂餘人
物曾靈光絕憐漢室君宗後名士惟存盛孝章

昔曾師事夏考
功彝仲先生

其三

先生博學范長頭早歲文章謁選樓一自金門陪

鸞鷲兩經鎖院識驊騮尊鱸秋興歸張翰車馬鄉

間擬少游今日林間堪把臂烏臺風節付滄洲

余鄉

會兩闌主考誠齋皆與分校

其四

橫雲峭壁實崢嶸八十捫蘿步履輕上壽幾人饒

勝具名山著處發幽情園尋金谷傷興廢客數蘭

亭痛死生

明季誠齋晤李舒章先生於麗秋堂中越二十年復與宋觀察荔棠周比部奎

山諸先生結社山寸今三公久俱徂謝麗秋堂亦成廢址矣

似此白駒空過隙

相期緩嶺學吹笙

其五

當年宗伯欲焚魚

謂葉文敏公也

期買青山下隱居思穎

幾經勞夢寐修文一去負樵漁冰銜金暑松龕冷

麗句紗籠壁蘇餘曾共蔡邕東觀久老成追憶漫

歎歎

僧房有文敏木主壁間有文敏題句文敏存日曾有歸隱橫雲之志

其六

不用籃輿御李君翠微相對到斜曛半天嶺竹千
弓合百仞霜崖一劍分白首多情來綺角青山無
恙酌機雲野人竊笑綠何事鷓侶成行狎鷺羣

酬友人

十年避地竟何之遠浦蒹葭繞夢思顧我文當才

盡後把君詩到日斜時謝敷好逸名偏重宋玉逢
秋老易悲欲報瓊華經歲月應憐懶散作書遲

贈總戎金仁叔

大江南北靜烽煙共喜羊公坐鎮年援筆自成青
李帖懷人常賦白雲篇每過鈴下移時語不覺城
頭促漏傳緩帶風流容揖客如君寧復讓前賢

壽盛誠齋侍御偕姚孺人八十雙壽

解組歸來樂事濃鹿門花竹碧雲重年同呂尚方
垂釣案比梁鴻不負春地望清華烏作府山川靈
秀玉爲峯 聖朝自是多人瑞共說儒宗並女宗

其二

魚軒象服貴仍貧
樵火漁烟共結鄰
獨把冰心歸月旦
雙攜仙醞對花辰
笙璫恰值蘭亭會
羔雁偏多絳帳人
更喜超宗能接武
佇看池上續陽春

和友人閏午見懷二首

無端簫鼓競喧然
又見龍舟五兩懸
庭院葵榴空冉冉
江鄉風物漫年年
不忘公子思何極
枉說巫咸事可憐
賴有高朋勤贈荅
時吟佳句破愁眠

其二

拙宦生涯愧計然
任人續命五絲懸
清湘有恨偏

逢閏長日多愁抵度年疊雪宮衣餘黯淡淬霜龍
劍自矜憐長安此日同棋局且向松窗一醉眠

酬總戎金仁叔

聖代凌煙迴不磨稔侯英績更如何生擒蔡郡吳
元濟名壓天南馬伏波

公從大軍
下雲南

非藉韜鈴襄破

賊那能江海共投戈功成雅志忘勲伐鈴閣風清
但嘯歌

其二

四年虎節鎮江鄉軍令分明萬井康士有投醪安
壁壘民無牧馬徧耕桑旌門晝靜瑤琴響蓮幕花

深寶翰香欲比清襟千頃濶城西三泖自汪洋

題友人卷

坐擁牙籤見古今藤牀髹几畫堂深湘蘭自合幽
人意不向江潭費苦吟

贈友人

子本虞山秀閒情寄遠峯迂倪名夙重小米興偏
濃瀟灑溪邊竹峻嶒岱頂松趨庭家法勝風雅擅
人宗

贈友人

筆底生花景物妍明窗髹几思悠然看君時拂鬢

溪絹秀色紛披繼朝川

橫雲山人集卷之十四